

頰頤

頤頰也俗呼顴骨

屬手足少陽三焦膽手太陽小腸經

之會又屬手少陰心經

靈樞曰心病者顴赤面黃曰心絕則虛陽也

面赤如脂○按如脂者如女人以粉傅面以丹傅顴也夫白者肺之候丹者心之候發明謂之火克金是從所不勝來者為賊邪其病不治故脉訣云面赤如粧不久居也 又屬足

少陰腎經

靈樞曰腎病者顴與頰黑

頰

面旁也

屬手足少陽

三焦膽手太陽小腸足陽明胃經之會

素問曰少陽之

脉色榮頰前熱病也註足少陽部在頰色赤色也前當依甲乙經筋靈樞曰邪氣中於頰則下少陽又曰少陽氣至則齧頰素問又曰少陽之脈則暴聾頰腫而熱○又曰上高地下兩頰之

動脉註在鼻孔下兩旁近於巨髃穴之分動
於手足陽明脉氣之所行也巨髃直兩目隆

又屬足厥陰肝經素問曰肝病氣逆則頰腫其在小兒面部

左頰屬足厥陰肝經素問曰肝病者左頰先赤
右頰屬手

太陰肺經素問曰肺熱病者右頰先赤
頰側也蕃屬足少陽膽

陽明胃經之會
頤本作臣頤中也屬足陽明胃經素問

曰陽明虛則寒慄鼓頤終則口耳動又屬足少

陰腎經素問曰腎熱病者頤先赤
俠頤屬足陽明胃經素問曰病

上衝喉者治其漸漸者上俠頤也註陽明之脉漸上頤而環唇故名俠頤為漸即大迎穴也在

曲頤下一寸三分骨陷中動脉
內經取治面頰腫痛有三法

其一取手陽明經云顙痛刺足陽明曲周動
脉見血立已不已按人迎於經立已又云厥胸
滿面腫脣漯漯然暴言難甚則不能言取足陽
明又云厥頭痛面若腫起而煩心取之足陽明
太陰爲煩心也又云顙痛刺手陽明與顙之盛
脉出血是也 其二取手太陽經云手太陽之
脉是動則頷腫不可以顧所生病者目黃頰痛
視盛虛熱寒陷下取之也 其三取手足太陽
經云三焦手少陽之脉所生病者頰痛又云

足少陽之脉所生病者頷腫視盛虛熱寒陷
取之也又云肝氣逆則頭痛耳聾頰痛取血者
蓋取足少陽之血也丹溪治朱奶兩頰熱腫
膈壅之病也用乾葛桔梗壹錢半升麻壹錢蘇
葉壹錢半甘草炙七分薄荷壹錢薑壹片水煎
服東垣云咽痛頷腫脉洪大面赤者是活勝
濕湯加黃芩桔梗甘草各半錢治之如耳鳴目
黃頰頷腫頸肩臑肘臂外後廉痛面赤脉洪大
者以羌活防風甘草藁本通其經血加黃芩黃

運消其腫以人參黃芪益其

氣而瀉其火邪

兩頰腫以細辛草烏等分爲末入蚌粉以猪
脂調傅腫處或用醋調赤小荳末傅之亦妙口
含白梅置腮邊良久腫退出涎患消矣消時腫
必先向下 疔腮用栢葉車前草栢子仁杵碎

熱傳患處或用雞子清調赤小荳末

詳見
瘍科

平

江陳氏因驚懼後常用手指甲拄栢兩頰遂兩
頰破損心中懊懣不安脉數而實諸藥不愈用
活幼口議牛黃清心涼膈丸數服如失 三

方凡伸欠頰車蹉但開不能合以酒飲
唾中吹皂角末搐其鼻嚏透卽自止

咽喉

咽

在喉之前所以嚥物楊上善謂喉龍之後屬咽者非

屬手太陽小腸少

陰心足太陰脾厥陰肝經之會

素問曰咽主地氣地氣通於隘

足太陰脉布胃中絡於隘故病則腹滿而

又屬

足少陰腎經

靈樞曰足少陰所生病者口熱舌乾咽腫上氣隘乾及痛素問曰邪

客於足少陰之絡令人隘痛不可內食無故善怒氣上走賁上註賁鬲也賁上賁門也難經胃

為賁門舊註氣奔而上者非朱丹溪曰手足陰陽合生見證曰咽腫足少陰厥陰

又屬

足陽明胃經

靈樞曰陽明之脉上通於心上循咽出於口

又屬足厥

陰肝少陽膽經

素問曰肝者中之將也取決於膽咽為之使○靈樞曰足少陽

之正上挾咽出頤頷○素問又曰一陰一陽一
絕此陰氣至心上下無常出入不知喉咽乾
病在脾土註一陰厥陰脉一陽少陽脉並木
氣也木克土故咽喉病雖在脾土實由肝膽之
所為也

俠咽

屬手少陰心足

陰脾經之會

喉

在咽之後屬手太陰肺尸以明胃少陰腎厥陰
所以候氣

肝經任脉之會

靈樞曰手太陰之正出缺盆循喉嚨素問曰喉主天氣天氣通

於肺謂之肺系

又屬手少陰心少陽三焦經

靈樞曰手少陰之正

上走喉嚨出於面素問曰心咳之狀咳則心痛
喉中介介如哽狀甚則咽腫喉痺○張潔古曰

三焦通喉喉和則聲鳴利不和則暴瘖熱閉素
問又曰邪客於手少陽之絡令人喉痺舌卷口

乾心煩又曰運氣少陽所至為喉痺耳鳴咽通
○又曰一陰一陽結謂之喉痺註一陰手少陰

心經一陽手少陽三焦也二脉又屬手足陽明

大腸胃手少陽三焦經之合靈樞曰手陽明之正上循喉嚨出缺

盆又曰喉痺不能言取足陽明能言取手陽明

素問曰手陽明少陽厥逆發喉痺嗌腫瘡註瘡

謂骨強而不隨也朱丹溪曰手足陰陽又屬足

經合生見證曰喉痺手足陽明手足少陽

太陰脾經千金方曰喉嚨者脾胃之候也屬足厥陰心

包經結喉兩旁應手大動脉一名人迎脉屬足陽

明胃經內經曰頸側俠喉之動脉人迎人迎足陽明胃脉也陽明者常動計動謂動於

結喉旁也素問曰其脉之動常左小而右大左

小常以候藏右大常以候府○按此動字與

文不同謂左右人迎後屬手陽明大腸經

手二脉之動也

云咽喉者水穀之道也喉嚨者氣之所以入者也
者也會厭者音聲之戶也懸雍者音聲之關也
咽與喉會厭與舌此四者同在一門而其用
各異喉以納氣故喉氣通於天咽以納食故咽
氣通於地會厭管乎其上以司開闔掩其厭則
食下不掩其喉必錯必舌抵上齶則會厭能閉
其喉矣四者交相爲用闕一則飲食廢而死矣
或問咽喉有痺有腫二者之外又有纏喉風
乳鵝生瘡諸病何邪致之何經病之與治法大

畧願聞其說曰十二經脉皆上循咽喉盡得以
病之然統其所屬者乃在君相二火何則經曰
喉主天氣咽主地氣又曰諸逆衝上皆屬於火
是也蓋肺主氣天也脾主食地也於是喉納氣
咽納食納氣者從金化納食者從土化金性燥
土性濕至於病也金化變動爲燥燥則澀澀則
閉塞而不仁故在喉謂之痺土化變動爲濕濕
則泥泥則壅脹而不通故在咽謂之腫痺腫之
病雖少異然一時火鬱於上焦致痰涎氣血

結於咽喉也自其咽腫形狀分之則有纏喉
乳蛾之名纏喉風者其腫透達於外且麻且痒
且痛乳蛾者腫於咽兩傍名雙乳蛾一邊腫者
名單乳蛾喉痺之暴發暴死者名走馬喉痺內
經又有噤塞咽喉乾者亦皆因諸經所致中間
雖有經氣之寒熱不等其爲火證一也大抵治
法視火微甚微則正治甚則反治療痰出血三
者隨宜而施或更於手大指少商出血行氣若
腫達於外者又必外傳以藥予膏治是證每用

鵝翎蘸米醋繳喉中摘去其痰蓋醋味酸能收
其痰隨翎而出又能消積血若乳蛾甚而不散
上以小刀就蛾上刺血用馬牙硝吹點咽喉以
退火邪服射干青黛甘桔梔荅礬石惡實大黃
之類隨其攸利爲方以散上焦之熱外所傳藥
如生地龍非根伏龍肝之類皆可用若夫生瘡
或白或赤其白者多涎赤者多血大率與口瘡
同例如薔薇根皮黃檗青黛煎噉細嚥亦佳
凡經云喉痺者謂喉中呼吸不通言語不出

天氣閉塞也云咽痛云嗑痛者謂咽喉不能
唾與食而地氣閉塞也云喉痺咽嗑痛者謂
喉俱病天地之氣並閉塞也蓋病喉痺者必兼
咽嗑痛病咽嗑痛者未必兼喉痺也

喉痺作

痛或有瘡或無瘡初起通用甘桔湯不効加荆
芥壹錢半重名如聖湯或如聖湯中更加連翹
黍粘子各壹分防風竹茹半分或甘露飲喉
痺惡寒及寸脉小弱於關尺者皆爲表證宜甘
桔湯半夏桂枝甘草湯詳寒熱發散之若水漿

不得入口者用解毒雄黃丸四五粒以極酸醋磨化灌入口內吐出濃痰却服之間以生薑自然汁一蜺殼噙下之神効 婁全善云喉痺惡寒者皆是寒折熱寒閉於外熱鬱於內薑汁散其外寒則內熱得伸而愈矣切忌膽礬酸寒等劑點喉反使其陽鬱結不伸又忌硝黃等寒劑下之反使其陽下陷入裏則禍不旋踵矣韓祗和云寸脉弱小於關者宜消陰助陽東垣云兩寸脉不足乃陽氣不足故用表藥提其氣升

助陽也或三部俱小弱亦用其法也 喉痺

村病皆相似者屬天行運氣之邪治必先表散之亦大忌酸藥點之寒藥下之鬱其邪於內不得出也其病有二 其一屬火經云少陽所至爲喉痺又云少陽司天之政三之氣炎暑至民病喉痺治宜仲景桔梗湯或面赤斑者屬陽毒宜陽毒諸方汗之 其二屬濕經云太陰之勝火氣內鬱喉痺又云太陰在泉濕淫所勝病溢腫喉痺治宜活人半夏桂枝甘草湯或面青黑